

海國公餘輯錄

黃遵憲署檢
襟笥附

海國公餘輯錄

黃遵憲署檢
襟簪均

海國公餘輯錄卷三下

嘉應張煜南榕軒輯

弟鴻南耀軒校

名臣籌海文鈔

使才與將相並重說

薛福成

昔漢武帝詔舉茂才異等可爲將相及使絕國者使才與將相並重久矣孔子亟稱子產其相鄭以潤色辭命爲功管仲天下才而平戎之役文辭彬雅爲周天子所賓敬秦漢而後中國疆宇廣矣卽今日拓日遠不能無與並立之國有並立之國不外戰守和三事戰資乎將守資乎相和資乎使殆有交相爲用而不可闕者且相臣主內政使臣主外務緩外則內方可治外與內相表裏也將臣尙武功使臣尙文辯辯勝則力可勿用辯與力相補救也是故有百年安邊之計定於

三寸舌者富弼之使契丹是也有一介行李之馳賢於十萬兵者陸賈之使南粵是也近數十年火輪舟車無阻不通瀛環諸國互爲彼鄰實開宇宙之奇局英法俄德美數大國各挾勝勢以相陵相伺彼與我通商定界立約應之稍一不審往往貽患無窮而使臣之責乃益重吾觀西洋諸國或以宰相及外部大臣出爲全權公使或以大將軍及兵部大臣出爲全權公使其視將相與使臣無纖毫軒輊焉大抵使臣宣國威覘敵勢卹民瘼宜與廟堂謀議翕然相通至於造船製礮之法練兵儲才之要或攷其新式或偵其密計以告我將帥而爲之備緊惟使臣是賴是故無賢相之識與度不可以爲使臣無賢將之膽與智亦不可以爲使臣曩乎艱哉中國可膺此選者尙寡安能應變而不受人侮非士大夫之才力

不如西人也亦在有權力者之開其風氣而已矣

海國公餘輯錄

卷三

下
名臣籌海文鈔

二

南洋諸島致富強說

薛福成

南洋諸大島星列碁布固有千餘年前入貢中國自齒外藩迄今轉式微者亦有亙古荒穢廣莫無垠人迹不到者自西人相繼南來占踞諸島僅閱一二百年而疆理恢闢民物蕃昌無不有蒸蒸日上之勢將謂恃西人之經理乎則雖其本國數萬里究竟來者不藉多也謂藉土人之奮興乎則狃榛之俗囿於方隅風氣未大開智慧未盡牖也然則其所以漸樹富強之基者不外招致華民以爲之質幹而已矣大抵古今謀國之經強由於富富生於庶所以昔人有生聚教訓之說然謀庶富而欲自生之自教之已覺其迂矣今彼乘中國之患人滿而鳩我閒民闢彼曠土數十萬人無難驟集也不待生也中國之人秀者良者精敏者勤苦耐勞者無不有之

稍以西法部勒之而成效自著矣非若土人之顓蒙難教也西人所留意經營者惟聚之之法而已矣泰西諸國用此術者獨英人爲最精自香港新加坡以及北般島澳大利亞皆能驟變荒島爲巨埠荷蘭西班牙亦知華民之可用始則勉招之繼則虐待之甚有羈禁之使爲奴誘脅之使入籍者而其功效乃終遜於英遠甚然其所以自立於南洋者莫非藉華民力也余嘗攷越南暹羅柬埔寨等國雖往往多受西人約束而貿易開礦諸利權華人操之者六七西人操之者二三土人則闐然無與焉至若呂宋噶羅巴婆羅洲蘇門答臘澳大利亞等處商礦種植之利華人約占其大半惜乎受人統轄中國又無領事官以保護以至失勢被侮若使中國仿西人之法早爲設官保護則南洋諸島之利權未嘗不隱分

之惜乎失機者數十年一旦覺悟已多牽制惟英之屬島已
允我設領事官而當事者猶以費絀爲辭不願多設是中國
有可富可彊之機而不知用也亦終於貧弱而已矣謂之何
哉

海國公餘輯錄

卷三

下名臣籌海文鈔

四

海防說

傅雲龍

水師莫重於海防海防莫重於兵輪臨事言戰未事則言防
南北洋無慮數千百里不勝其防而節節防與不防等一疏
百慮矣輔水軍之陸師尙以聚而效況兵輪炮艦快船之重
兵能不擇要扼耶橫沙之港淺潮之灣輪不必巨炮亦不必
重一百五十匹馬力足矣逸以待勞無事則巡境內海面而
鐵甲大輪分泊最要以待互易無事則以其一周游海國風
潮旣狎膽識自增奚有久頓則荒慮耶彼不遠數萬里航海
交兵未有不籌通糧之舟避險之地者亦未有不探旁出之
口繞後之津者第而曰何者爲無定之防何者爲有定之防
莫若寓有定於無定而擊其所必救以無定濟有定而使之
進不支而退無倚道紆則費大情移則餉糜將不戰而走矣

海國公餘輯錄

卷三

名臣籌海文鈔

五

凡防近登宜扼遠口防前擊宜策後抄砲台宜泥不宜石水雷宜虛不宜實綜而論之必居不敗之地而後可戰必得能戰之人而後可守又必識守戰皆宜之時而後可和

閱瀛環志略圖說

薛福成

念昔鄒衍談天以爲儒者所謂中國者乃天下八十一分之一耳中國名曰赤縣神州赤縣神州內自有九州禹之所奠九州是也不得爲州數中國外如赤縣神州者九乃所謂九州也於是有裊海環之人民禽獸莫能相通者各爲一區乃爲一州如此者九乃有大瀛海環其外爲天地之際焉司馬子長謂其語闕大不經桓寬王充並譏其迂怪虛妄余少時亦頗疑六合雖大何至若斯遼闊鄒子乃推之至於無垠以聳人聽聞耳今則環游地球一周者不乏其人其形勢方里皆可覈實測算余始知鄒子之說非盡無稽或者古人本有此學鄒子從而推闡之未可知也蓋論地球之形凡爲大洲者五曰亞細亞洲曰歐羅巴洲曰阿非利加洲曰亞美理駕

洲曰澳大利亞洲此因其自然之勢而名之者也亞美理駕洲分南北中間地頸相連之處曰巴拿馬寬不過數十里皆有大海環其外固截然兩洲也而舊說亦有分爲二洲者卽以方里計之實足當二洲之地是大地共得六大洲矣惟亞細亞洲最大大於歐洲幾及五倍余嘗就其山水自然之勢觀之實分爲三大洲蓋中國之地東南皆濱大海由雲南徼外之緬甸海口溯大金沙江直貫雪山之北而得其源於是循雪山葱嶺天山大戈壁以接瀚海又由瀚海而東接於嫩江黑龍江之源至混同江入海之口則有十八行省盛京吉林朝鮮日本及黑龍江之南境內蒙古四十九旗西盡回疆八城暨前後藏剖緬甸之東境括暹羅越南南寧東埔寨諸國此一大洲也由黑龍江之北境迄瀚海以北外蒙古八十

六族及烏梁海諸部西軼伊犁科布多塔爾巴哈台環浩罕
布哈爾哈薩克布魯特諸種自鹹海逾裏海以趨黑海折而
東北依烏拉嶺劃分歐亞兩洲之界直薄冰海奄有俄羅斯
之東半國此又一大洲也雪山以南合五印度及緬甸之西
境兼得阿富汗波斯亞刺伯諸國土耳其之中東兩土此又
一大洲也夫亞細亞旣判爲三洲余又觀阿非利加洲內撒
哈爾大漠之南有大山起於大西洋海濱互塞內岡比亞之
南境幾內亞之北境尼給里西亞及達爾夫耳之南境延袤
萬餘里直接於尼羅江之源此其形勢殆與亞洲之雪山葱
嶺界劃中外者無異尼羅江又曲折而北以入於地中海是
阿非利加一洲顯有南北之分矣今余於志略所稱北土中
土者謂之北阿非利加洲志略所稱東土西土者謂之南阿

非利加洲此又多一大洲也而南洋中之噶羅巴婆羅洲巴布亞諸大島則當附於澳大利亞一洲夫然則九大洲之說可得而實指其地矣雖其地之博隘險易不同人民物產之旺衰不同然實測全地之方里謂其八十倍於昔日之中國自覺有盈無縮所謂裨海者若紅海地中海皆是矣卽有沙無水之瀚海亦可謂之裨海卽中國東隅之黃海渤海有日本三島障其外亦可謂之裨海是裨海與大瀛海殆一而二二而一者也而彼所謂九大洲者在鄒衍時豈非人民禽獸莫能相通者乎至於禹迹之九州要不出今之十八行省若福建廣東廣西貴州諸省則禹貢並無其山川今以置余以上所敘一州之中約略計其方里要亦不過得九分之一然則禹迹之九州實不過得大地八十一分之一而禹貢所詳

之一州又不過得大地七百二十九分之一其事殆信而有
徵也